

Усмонли адабиётини оз-моз ўқуганлар, унинг билан бир даража ошно бўлганлардан кайси бириси бу исми билмайди, кайси бириси муни танмайди.

Усмонлиларнинг «адабиёти жадида» (янги адабиёт)чиларининг пир ва устози бўлган Тавфик Фикратбек бутун янги насл туркларнинг юракларина гўзал, нафис ва латиф шеър букетлари қадамишдир. Унинг кенг хаёли равон (тез) ва енгил ифодаси кимни, кайси бир шеър ва адабиёт мухобини тасхир этмас? Хусусан унинг «Рубоби шикаста» (синик дутор)си, ундаги баланд ва латиф йўллар нақадар жозибали ва завкли нарсалардир!

Тавфик Фикрат «Рубоби шикаста»си ила канча танилган бўлса, унинг ила канча нафосат суювчиларни ўзига мафтун этган бўлса, «Тарихи кадим»и, у дахшатли фарёди ила одамларнинг калбинда буюк-буюк ўзгаришлар вужудга келтирмишдир. «Тарихи кадим» «Рубоби шикаста»дай эмасдир: «Рубоби шикаста» дунё кўрмишдир, матбаъда темирлар орасинда қисилмиш, коғоз бетларинда неча минг нусха босилмишдир. Локин, «Тарихи кадим» махфийдир, кўлдан кўлга кўчирилуб, ёзилуб юргизиладурган нарсадир. У тарихнинг жиноятлари каби сирлидир, хар кимга «мана мен!» деб кўруна бермас. Уни босдириш мумкин бўлмади. У олий фикрлар бечора Шаркнинг кўхна, чирик миясига сигмади; забун, эзилган шарклининг кенг калбинда жой топа олмади; бир вақтлар. Умар Хайёмнинг энг аччиғ ва дахшатли фикрларига майдон берган Шарк мухити, асорат ва куллик остинда шу қадар эзилмишдирки, буни, бу кийматли асарни ўзига сигдира олмади... Эхтимол, энди Шаркнинг четлар султонидан кутулуб хақиқий инқилобга яқинлашуб келаётган вақтларида буюк шоирнинг улуг фиклари дунё юзи(ни) кўрса...

Тавфик Фикратбек ўзининг бу буюк рухи ила, у:

Дин шахид истар, осмон қурбон, Яна қон, хар тарафда қон, қон, қон!

(«Тарихи кадим»)

деган, қонга, зулмга, жиноятга қарши кўпурган жони ила — бу жиноят уяси бўлган «эски дунё»да зўрга-зўрга тоқат қилуб чидаб турди. Охирида, у неча миллиён гуноҳсиз

жонларни ютуб, кўб мамлакатларни вайрон килуб келган «маданият уруши» (Овруро мухорабаси)дан сўнг чидай олмади; одамлар у вахший «хайвон»лар ичиндан чикди. Истанбулнинг бир чекасида, бир жаъра гўшада 1—2 йил ёлгиз бошига дарвешлардай умр ўтказди. Охирда Овруро «ўлум машинаси»нинг энг тезлаган вахшат оташининг энг кизигон бир вақтида кетди тинч, рохат дунёга кетди.

Бу «вахшатобод»ни тарк этди.

Энди унинг кабри бутун усмонли ёшларнинг зиёратгохидир. Дунёнинг вахшатиға ўч, лекин ўзи каби дарвешлардан бири, файласуф дўктур Ризо Тавфик унинг кабрини зиёратига боруб кабри устинда айтадир: (босилмаган асарлардан).

ФИКРАТНИНГ КАБРИНДА

*Дейдиларки, эссиз колан тирбангда Вахший гуллар очмиш, кўрмая келдим; У бог
жаннатинг хокина банда,
Хасрат-ла юзимни сурмая келдим!
Дейдиларки, сенга амал богляян
Кабрингда диз чўкуб бир дам оглаён
Бир мурод ўлурмиш, банда бир замон
Оглаюб мурода эрмая келдим!
Шу хижрон йилининг сўнг бахоринда
Чолалар титраган чаманзоринда
Кун бугмазди банда мозорингда,
Мотам чечаклари дермая келдим!
Сени онгдим бутун гам чеканлар-ла
Ишк хак ўгринда ёш дўканлар-ла
Соригинча вайрон шу деганлар-ла
Тошингга бир чаланг урмая келдим!
Ёдинг ўлум каби бир сир мубхам
Нашъа шу долли бу хис исм.
Рухимда на фусун айладинг илхом*

Бу кун сенга кўнгул вермая келдим!

Шундай килиб, улуг бир шоир дунёдан кетди. Уни билганлар йиглаб колдилар, билмаганлар — яна илгаридай.

Дунёнинг вахшатлари бўлса яна хамон давом этмакда, мазлумлар инкилобигина нихоят бермаса бошка мажот кўрилмайдир.

Рохат, масъуд ёт кабрингда эй улуг пир!..

Мархум Тавфик Фикрат. — «Иштирокиюн» газетасининг 1920 йил 10 январь сонидан босилган.

Тавфик Фикрат (1867—1915) — турк шоири, журналист. Асарлари 1894 йилдан чоп этила бошлаган. Ўша вақтда адабний марказ вазифасини ўтаган «Сарвати фунун» («Билимлар хазинаси») журнали унинг мухаррирлигида чикиб турган. 1908 йил инкилоби Тавфик Фикратнинг идеалига мос келмаган, журналистикадан йироклашган.

«*Рубоби шикаста*» — шоирнинг 1899 йилда нашр килинган шеърий тўплами.

«*Тарихи кадим*» — шоирнинг фалсафий-ижтимоий карашларини ифодаловчи достони.

Тасхир — сеҳрламок, бўйсундирмок.

«Маданият уруши» — биз Биринчи жахон уруши деб атайдиган уруш Туркистонда чиккан газеталарда «Европа мухорабаси» деб юритилган. Чўлпон «маданият уруши» дея урушни кўзгаган «маданиятлилар»га аччик киноя килади.

«Ўлим машинасининг энг тезлаган» вакти — Биринчи жахон уруши авж палласига кирган вақт, образли ифода. Тавфик Фикрат уруш айна кизиган 1915 йилда вафот этган.